

Lajčák: Pravda za žrtve je i dalje naš ključni prioritet



<?xml:namespace prefix = o ns = "urn:schemas-microsoft-com:office:office" />

Visoki predstavnik i specijalni predstavnik EU Miroslav Lajčák rekao je danas predstavnicima udruženja žrtava iz Srebrenice i Bosne i Hercegovine da izvođenje ratnih zločinaca pred lice pravde predstavlja ključni prioritet međunarodne zajednice.

“Moj prioritet su istina, pravda i odgovornost za zločine počinjene u BiH. Ono što je do sada učinjeno daleko je od zadovoljavajućeg”, rekao je Lajčák. “Nastaviću napore za hitno usvajanje Državne strategije za procesuiranje ratnih zločina, koja će krivično gonjenje ratnih zločina učiniti efikasnijim i koherentnim.”

Osim toga, tim iskusnih međunarodnih istražitelja uskoro će se pridružiti Tužilaštvu BiH kako bi pomogao u istraživanju i krivičnom gonjenju ratnih zločina na području Srebrenice.

Predstavnici udruženja žrtava izrazili su punu podršku naporima visokog predstavnika.

Sastank je organizovan na inicijativu Udruženja građana “Majke enklava Srebrenica i Žepa”, Udruženja “Žene-žrtve rata” te “Udruženja logoraša BiH”.